



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 16. Lib. Genes. in quo describitur superbia
Agar, fuga & redditus, atque partus Ismaelis.

[urn:nbn:de:hbz:466:1-61252](http://urn.nbn.de/hbz:466:1-61252)

Doctrina 3.

Desumpta ex cap. 16. Lib. Genes. in quo describitur superbia Agar, fuga & reditus, atque partus Ismaelis.

Considera: Quām mirabilē modō divina Providentia disponat, ut N. 26. **Q**uādam animāe, quā alias virtute & pietate ut Domina ancillam suam, Sara Agarem antecellunt, Deoque gratissimāe existunt, relinquunt in spirituali sterilitate & longā ariditate: adeò, ut nullis aut rarissimis tantūm consolationibūs, solatiisque fœcundantur supernis. Hoc ipsum obtigit Charissimæ Christi Sponsæ Sanctæ Mariæ Magdalenæ de Pazzis teste Engelgraf in Dom. 4. post Pentec. §. 2. Hęc per quinquennium cruciata, nec quidquam sentiebat solatii: quin potius cruciatum vi in frusta discerpi videbatur. Alius quidam eximiæ Sanctitatis Vir dicere consueverat, ut refert Drexel. lib. I. c. 9. Rhet. cal. Quadraginta jam annis servis Deo in multa oratione absque ulla interna consolatione. Verūm hanc Solatiorum Spiritualium penuriam non alia de causa patiuntur dilectissimæ Christi Sponsæ: quām ut perpetua in humilitate conserventur, seseque in patientia & plena resignatione in Dei beneplacitum exercendi habent copiam: atque hinc asserit aureus liber: non est in eo tantum vita spiritualis profectus, cùm consolationis habueris gratiam, sed cùm humiliter & abnegatè patienterque ejus tuleris subtractionem. Reperire est econtra animas, quāe non adeò magni apud Deum sunt meriti & pretii, supernis tamen solatiis recreantur frequenter, intuitu quarum instar Agaris, ob fœcunditatem in superbiam elatæ, alias, tanquam pietate & virtute sibi cum sterili Sara longè impares despiciunt: & hinc è domo divinæ gratiæ merentur cum Agare superbiente expelli, perituræ; nī erroris sui per internam Angeli Custodis inspirationem admonitæ, sese humiliarent, & mediante pœnitentiâ redirent ad dominum, ex qua propter superbiam fuerant ejectæ. Sicut homo sacramum circumferens in ore, non exinde vocatur dulcis: ita consolatio divina in se licet optima sit, & ab optimo proveniant Deo, non tamē eos efficit optimos, quos afficit. Hortatur ergo Gersen noster lib. 2. c. 9. §. 4. *Noli extolliri, noli nimium gaudere, nec inaniter presumere, sed esto humilior ex dono, cautior quoque & timoratior in cunctis actibus tuis quoniam transibit hora illa, & sequetur tentatio.* Quanto Christiane! si in D 2 spiri-

spiritualibus exercitiis quandoque ad longum temporis spatium experiaris ariditatem, noli ab iis desistere animumque despondere, ratus: te gratiâ Dei excidisse, & hinc te cum Petro totâ nocte piscantem in vanum laborare: Cùm te consumptum putareris orieris ut Lucifer. Cùm videberis prostratus, perditus, abjectus, prosperè procedes ad modum stellæ Diana in campo Cœlorum progredientis. Apostolus de miseriis servorum Dei loquens utitur termino limitante, afferens: quasi tristes, quæ verba subtili indagine scrutatus S. Augustinus querit causam hujus additæ limitationis, & sibi respondens ait: id fieri, quod somnii instar se habeant desolationes & miseria Justorum: Somniis autem semper addi terminum limitantem quasi, id testante Josepho Genes. 37. putabam nos ligare manipulos in agro, & quasi consurgere manipulum meum. Sic etiam Scriptura, panem subcinericum devolutum de monte describens Judicum 7. His utitur verbis: Vidi somnum, & videbatur mihi quasi Subcinericus panis ex hordeo volvi &c. Ade ergo desolationi tuæ terminum quasi, illam vocans quasi abjectiōnem, somnum aut fabulam esse miserię. Regium Prophetam interrogat, parem miseriā expertum, quando auditus est conqueri: Psal. 21. Aruit tanquam testa virtus mea est. Fatebitur ille: Sicut Pater miseretur filiorum, misertus est Dominus timentibus se. Sed quæ est patris erga filios etiam charissimos misericordia? en! pecunias illis denegat superfluas, ne in ludos se effundant: vini ciborumque copiam ipsis subtrahit, ne intemperantes evadant: raro se ipsis affabilem demonstrat, ne timorem & reverentiam sibi debitam perdant. Haud aliter (si sensum moralem spectemus) erga te gerit se Deus, quando credis: te preces quidem fervidas fundere, sed non exaudiri. Sacris te interesse quidem sedulò, sed nullum in eis gustum sentire: meditari cum Davide, sed potius aquam, quam ignem experiri. Patrem hic agit miserentem: hinc subtrahit spiritualium consolationum dulcedinem, ut meritum non perdas, temporalem recipiendō mercedem: monstrat austera faciem, ut timorem, omnium virtutum custodem, in te conservet: ad preces surdum se exhibet, ut tuam probet perseverantiam, in cœlo coronandam. Resignatus ergo in tam providi Parentis voluntatem, dic cum Asceta: lib. 3. cap. 16. §. 2. Hec mihi consolatio: libenter velle carere omni humano solatiō, & si tua desuerit consolatio, sit mihi tua voluntas & justa tentatio pro summo solatio. Quod tuas preces exercitiaque solita concernit, peritum agricolam imiteris, qui etsi quando-

quandoque sterilem annum sentire cogatur , agris tamen debitam impendere curam non desinit.

Doctrina 4.

Desumpta ex cap. 17. lib. Genesis , in quo describitur mandatum illud datum Abrahæ de presentia Dei semper habenda. Mutatio Nominis & lex circumcisionis.

Considera : **Q**uam benè discurrat Angelus , qui vices Dei agens hic N. 27. loquitur Abrahamo, afferens: *Ambula coram me, & esto perfectus*, dicturus per hoc : in omnibus actionibus tuis ô Abraham ! Deum semper præsentem & videntem cogita , fiet inde , ut easdem peragas modò perfectò . Consequentia planè perfecta & infallibilis, ut docet communis Ascetarum sententia , quæ melius assequendæ perfectionis medium dari non posse autumat. O Christiana anima! si vivaci in imagine circumferres Deum perspicacissimum illum Ju-dicem, & severissimum etiam minimorum scelerum ultorem , quam pauca forent , in quæ per diem peccandò impingeres. Nunquid enim tot verba detractoria, scurrilia , fraternæ charitatis offensiva effunderes ? ut nihil de aliis actibus peccaminosis dicam. **Q**uis gregiorum militum præsipientem è fenestra Ducem suum intuens , è statione sua movet pedem ? arma abjicit ? ad somnum se disponit ? quis discipulorum Præceptorem à tergo hærere putans, fabulis indulget ? libros abjicit ? cum prohibitis ludit sociis ? quæ uxor assidentem sibi habens maritum, cum alio amatorios miscet sermones ? ta-tusque impuros admittit ? cogita castissimum illum , Jacobi filium, quam gravibus peccandi periculis, quam violentis fœminæ blanditiis , quam horridis adulteræ minis impetratur ? & tamen blanditias supereret, minas spernat, peccatum effugiat ? quæras ex ipso : quibüs armis tot hostes vicerit ? tot fregerit iniidias , innocentiam suam salvans indemnem ? forsitan enormis tanti criminis turpitudo ? aut innata juveni pudicitia ? aut formidanda Domini sui rabies ? aut turpissimi probri infamia ei gladium , quō vinceret, præbuit ? aut scutum, quō se tam strenue defenderet, subministravit ? hæc omnia, etsi cœteroquin spiritualis pugnæ arma sint fortia, tot roboris tamen ha-buissent nunquam , ut tot ignea & flammantia Veneris tela averti-
D 3 sent ,